

# مستطابق

در سعادته باب عالی جاده سنده  
اداره مخصوصه  
محل اداره :

انظار :  
مسلمانه موافق آثار جدید مع المنزیه  
قبول اولنور  
درج ابدله بن آثار اعاده اولغاز

دین ، فلسفه ، ادبیات ، حقوق و علوم دین باحث هفته لقا رساله در

مؤسسه : ابوالعلا زین العابدین - ح . اشرف ادیب

| سنه لک | القی آیلدی | درسه دتده      |
|--------|------------|----------------|
| ۶۰     | ۳۰         | ولا یاتده      |
| ۸۰     | ۴۰         | مملک اجنبیه ده |
| ۸۰     | ۴۰         |                |

تاریخ تاسیسی :  
۱۱ خمر ۳۲۴

در سعادته نسخه سی ۵۰ پاره در

قیرله دن مقوا بورو ایله کوندریلیرسه سنوی  
۲۰ فروش فضله آلنیر

در سعادته پوسته ایله کوندریلیرسه ولایات بدلی اخذ اولنور.

عمومات مذکوره بی خود بخود تخصیصه اجتناسار ، ظواهر نصوصه تمسکدن بیه اعراض واستکبار ایتمش اولورز . بویله برکریویه صامق تسویلات شیطانیه قایلیمق دیمک اوله جنی بدیدارد .

بوخالده بوتون احادیث رسولی وقوانین مقررہ اصولی ده مهجور ایدرک علی العمیا وادی تقلیدده قالمق اقتضا ایدر . بونک نه قدر بویوک غفلت ، نه یمان قصور همت اوله جنی تقدیر ایتمز دکاز . علمای راسخینمز هیچ بر دورده بومسلک باطله ذاهب اولامشدر ، علی الدوام مدونات تفسیر وحیدی باکمال اهنام تدریس ومطالعه ایله اشتغالده بولمشدر .

بو اشتغالدن مقصد اصلی احکام الهیه وقوف واطلاع اولسه حصر اوقات ایدلمزدی . بوحقائق قطعیته اصلا شبهه یوقدرو اوله ماز . فقط بوندن طولای مذاهب اهل سنته خلل طریانی قابل دکادر . زیرا مأخذ احکام اولان آیات واحادیث ایکی قسمه منقسمدر :

(قسم اول) ظواهر نصوص ومحکمت کتابدرکه بونلرک هربری هرکلف اوزرینه حجت قاطعه وینه واضحه در . بوباده مجتهد ومستدل ومقلد آره لرنده بر فرق تصور اولونه ماز . بوقسمک حجتی انکار باعث اکفار اوله جنی آزاده تذکارد . بوتون علمای امت وفقهای مات رد نصوصک کفر صریح اولسنه اجماع ایتمشدر . بناء علیه دنیاده یوزبیک مجتهد بولونسه بونلرک خارجه چیقامازلر . « احکام اسلامیة واجتهاد » عنوانی اولان مقالات سالفه مزده افاده اولوندینی اوزره احکام اسلامیة نک اسالاس اوله جق طاقی قرآن کریم ویا احادیث صحیحده بوجه صراحت مذکور واجماع امت ایله ثابتدر . بونوع حکملرده هر مسلم هانکی مذهب وطریقه سالك اولورسه اولسون طوغرودن طوغریه کتاب وسنته متابعتله مأمورد . بونلرک اجتهاده جهت تعلقلری یوقدر . « اما ظاهر کتاب وسنتله ثابت اولیان حکم ، اجماع طریقیله ده بیانیه جک اولورسه اول وقت اهل وارباب اولانلره اجتهاد واعتبار ، مسکوت غنی - علت مطرده ایله - منطوق به الحاق ویا طریق آخرایله استنباط واجب اولور . تقلیده مضطر قالانلرکده اولنره مراجعتله تعلم ایتملری اقتضا ایدر »

(قسم ثانی) علم اصولده « خفی ومشکل ومجمل » تسمیه قلنان اقسام نظم ایله تخصیص احتماله معروض اولان صیغ عموم واطلاق وتقیید ویا جهت اخری ایله متعارض بولونان دلائل شرعیه درکه بونلر ایله استدلال ارباب فقه واجتهاد واصحاب نظر واستنباط اولانلرک خصائص عالیه سنددر .

زیرا خفی ایله مشکلك ایضاحی ، مجمل حقنده قولاً ویا فعلاً وارد اولان بیانات شارعک تعیینی ، کذلک عامک تخصیصی ومطلقک تقییدی ، تعارضک دنی حقنده معتبر اولان شرائطک تدقیق ولدی الایجاب بطریق - القیاس فروعک اصوله الحاقی احکامه دائر بوتون آیات واحادیثی احاطه ایله برابر قواعد مقررہ اصولیه تطبیقاتنده احراز ملکه کامله وایسته در . محض رحمت عد اولونان اختلافات مذاهب ایسته هپ بونقطه ده دائر

اولوب بوندن طولای هیچ بر فرد آخری تکفیر وتضلیل حق وصلاحیتی حائز دکادر . بلکه هر مجتهد وسع وطاقتی درجه سندده ابراز مسامحی ایلدیکی تقدیرده عند الله وعند الناس مصیب اولور ؛ وخطاسی تبین ایدرسه معذور عد اولونور ، ینه اجره استحقاقی بولونور . بوکا دائر پک چوق احادیث صحیحه وارد اولمشدر .

الحاصل باب اجتهادک کشاده بولمشندن بزدره قدر تلاش ایتمیز . بوندن طولای مذاهب مدونه ده مقرر بولونان مسائل شرعیه مزه خلل کلیه جکمه امیز . بالعکس عالم اسلامیته فوائد کلیه تأمین ایده جکمه امید واررز .

اوت ! بوکون بیکلرجه مجتهد بر آرایه کلسه مذاهب اربعه جه بالاجماع قبول ایدلمش بولونان بر مسئله بی تغییر وتبديل ایده مزلر . یالکز مسائل خلافیه ده ناسه ارفق اولانلری ترجیح صلاحیتی حائز اولورلر ، برده بوجه صراحت مذکور اولیان احکامی قیاس ایله اورتهیه قویه بیلیرلرکه بونلر ذاتاً عین مطلوبمزددر .

نصل که من القديم ظهور ایدن ارباب اجتهاده بوندن باشقه تأثیر کوستره مشلدر .

بوخالده محیب فاضلک بیوردینی کبی باب اجتهادک دعوای انسدادینه قیام محض شرع شریفک احتیاجات متنوعیه عدم کفایه سنی ایهام وبرچوق امور تجارتک پسمانده قلمسی کبی نتایج مضره بی التزام دیمک اوله جنی وارسته اعلامدر . بوایه آچیقندن آچیفه دوراستبداده طرفدار اولانلرک کار مردودیدر . شریعت محمدیه ده دوستلق دکل .

مناسبتی : اسماعیل رفی

## نجائب قرآنیہ

### سورہ حجرات آیت - ۱۲

« یا ایها الذین آمنوا اجنوا کثیراً من الظلمه انه بعض الظلم اثم ولا نجسوا ولا یفتن بعضکم بعضاً یحب اعدکم انه یا کفر لکم اثم مبنا فکرمه وانفرا الله انه الله فواب رهم »

ای ایمان ایدنلر ظنک بر چوقندن اجتناب اوزره اولک [ بعض کثیر الوقوع ظنلر واردر ، آنلردن حذر ایدک وطن خصوصنده غایتله احتیاط ایدوب برظنک نه قبیل ظنلردن اولدینی تبین ایتمکجه صاقین اوطنه اتباع ایتیک ] . بعض ظن اثمدر [ بعض ظنلر واردرکه کنساهد ، اکا اتباع ایدن مستحق عقاب اولور . بوقبیل ظنلر کثیر الوقوعدر . مؤمنینه ظن سوء بوقبیل ظنوننددر ] وتجسس ایتیک [ بواطن اموری تحریر ایله میک ، عورات ومعایب مسلمینی تتبع ایله آنلرک ستر ایلدکلی احوالی کشفه جالشمیک . بری بریکزک عیوبی آراشدیرمیک ] وبری بریکزی غیت ایله میک [ بری بریکزی غیابنده مساوی ایله ذکر ایتیک ، ارقه کزدن بری بریکزی چکشدیرمیک ] .

دئامکم و اموالکم (قال محمد واحسبه قال) واعراضکم علیکم حرام  
 حرمه یومکم هذا فی بلدکم هذا فی شهرکم هذا ، وستلقون ربکم فسیساً  
 لکم عن اعمالکم - الحديث . بری بریکزک خون ناحقی دوکمک ،  
 بری بریکزک ماللرینه تعدی ایتک ، بری بریکزک عرض و ناموسنی  
 اخلاص ایلکم بوکونی کونده بوبله کزده بوماهکزده فصل حرام  
 ایسه هر پرده و هر زمان سزه حرامدر . سز قریباً ربکزه ملاقی  
 اوله جقسکز ، اوده سزه اعمالکزدن صورده جقدر - الی آخره .

زید بن وهبدن مرویدرکه ابن مسعود رضی الله عنه حضرتلرینه ؛  
 ولید بن عقبه بن ابی معیط حقنده نه دیرسین ، آنک صقالندن خمر  
 طاملا یوردیدک . مشارالیه جواباً : [ بز تجسدن نهی اولندق . اگر  
 ولیدک بویه بر حالی بزه ظاهر اولورسه بز آنی مؤاخذه ایدرز ]  
 دیدی . ابن مسعود حضرتلری اولیای اموردن ایکن کندیسنه وقوعی  
 خبر ویریلن برمنهی عنھک فاعلی حقنده بویه جواب ویرمی ،  
 یا ولیدک حالی کندینه غمزوسعایت صورتیه واصل اولدینی ویاخود  
 آنک حقنده ستری اولی کوردیکی ایچون اولملی در . نصاب الاحتساب  
 مؤلفی دیورکه : « اهل سوقک خیاتی محتسبه هیچ بر طرفدن  
 خبر ویرلماش اولسه بیلہ آنلرک احوالی تفحص ایتمی جائزدر » ،  
 چونکه اصنافک احوالی محتسبک تفحص ایتمی امر بالمعروف  
 ونهی عن المنکر ایچون اولدینندن منهی عنه اولان جست وجوده  
 داخل دکلدر . عمر بن الخطاب رضی الله عنه حضرتلری بر کجه مدینه  
 منورهده قول کزر ایکن بر خانهک قیوسی اره لغندن بر مشعلہ کوروب  
 ایجرویہ باقمسیله بعض کسانک نوش صہبا ایتدکلرینه مطلع اولجہ فرط  
 انفعالندن نه یابه جفنی شاشیردی ودر حال مسجندنوی به کیدوب عبدالرحمن  
 بن عوف حضرتلرینی الهرق خانهک قیوسنه کتوردی . مشارالیهده  
 بو حالی مشاهده ایلدکده جناب فاروق نه یابلم دیه رأینی صورتی .  
 عبدالرحمن حضرتلری : بز بو آدملرک بزدن ستر ایلماش اولدقلری  
 عیالینه تجسس ایله مطلع اولدینغمز جهتله کندمزنی الله تعالی نک نهی  
 ایتمش اولدینی شیئه کلش کوریورم دیدی . حضرت عمرانک بورأینی  
 تصدیق ایلدیکندن کیرییه دوندیلر . فقط بر خانهده علناً فسق و فجور  
 اجرا ایدیلورسه محتسب ایچون او خانهیه دخول جائزدر .

عقائد عضدیه شارح فاضلی جلال دوانی شویله نقل ایدیور :  
 « روایت اولندی که امیر المؤمنین عمر الفاروق رضی الله عنه حضرتلری بر  
 آدمک خانهسنه سطحندن کیردی و او آدمی منہیاتدن بر شی ایشلر  
 کورمسلیله عتاب و مؤاخذه ایلدی . او آدم : یا امیر المؤمنین ! بن جناب  
 حقہ بر صورتله عصیان ایتدسه سن اوچ صورتله عصیان ایتدک دیدی .  
 حضرت عمر : او اوچ صورت ندر ؟ بیوردی . او آدم دیدی که جناب  
 حق « ولا تجسسوا » دیه تجسسی نهی بیورمشیکن سن تجسس ایتدک ،  
 جناب حق « وأتوا البيوت من ابوابها » بیوردی ، سن بنم خانهمه  
 سطحندن کیردک . جناب حق « لاتدخلوا بيوتاً غیر بیوتکم حتی  
 تستأنسوا وتسلموا علی اهلها » بیوردینی حالده سن سلام ویرمدک .

سزدن بریکز قرنداشنک اولمش اتی اکل ایتکی سورمی [ سزدن  
 بریکز استرمی که قرنداشنک کیلوب آیرلش اولان اتی یسون ]  
 باق اتی کریه کور دیکز [ ایشته غیت طبق بویه اولوب اخوان دیندن  
 برنی ارقه سندن چکشدیرن آدم قرنداشنک اتندن کسمشده بیور  
 دیمکدر . بونه قدر مستکره و منفور ایسه غیتده او قدر مستکره  
 و منفور اولغله اندن نفرت واستکره ایتلی سکز ] . جناب حقندن  
 اتقا ایدک [ اجتنابیه امر اولدینغکز شیلری ترک وسزدن اولجہ  
 بوقیل صادر اولان حاللردن ندامت ایدرک حضرت ذوالجلالک  
 عقوبتندن حذر ایلہیک ] جناب حق تواب رحیمدر [ قبول توبه  
 وافاضه رحتمده لطف و کرمی حددن افزوندر . توبه ایدنلری کنه  
 ایشله مامش کبی ایدر و بولطنی بعض تأثیرله مخصوص اولیوب بتون  
 توبه ایدنلرک ولوکه کاهلری چوق اولسون توبه لرینی قبول بیورر ] .  
 « ایحب احکم ان یا کل لم اخیه میتاً » قول شریفنده [ میتاً ]  
 کلهسی [ لم ] دن حال اولمق اوزره منصوبدر . ذی حیاتندن آیریلان  
 ات [ میت ] دیه توصیف اولنور ، چونکه علیه الصلاة والسلام افدمن  
 « ما بین من حی فهو میت » بیورمشدر . نظم کریمده غیت ، طبعاً  
 وعقلاً وشرعاً غایت شیع و مستکره بر صورتله وغایت مبالغهلی وشدتلی  
 بر طرز ایله تصویر و تمثیل بیورلش . باقیکز تصویر و طرز بیان  
 الهییه : جمله استفهام تقریری ایله باشلامش ، هیچ بر فردک ایشله میه جکفی  
 اشعار ایچون [ یحب ] فعلی [ احد ] کلهسنه اسناد ایدلش ، محبت غایت  
 مکروه و منفور بر شیئه تعلیق . بیورلش ، اغتیاب اکل لم انسانه تشبیه  
 اولنش ، مأکول آکلک برادری قلندینی کبی آنک میت اولدینی دخی  
 بیان بیورلش .

تجسس : شروادی ایچون اخبار و حوادث جست وجو ایتمکدر .  
 اثرده « لاتتبعوا عورات المسلمین فان من تتبع عورات المسلمین تتبع الله  
 عورته حتی یفضحه ولو فی جوف بیه » وارد اولمشدر . معایب مسلمینی  
 تتبع ایتیک ، زیرامعایب مسلمینی تتبع ایدنک عینی الله تعالی تتبع ایدوب  
 خانهسی دروننده بیلہ اولسه اتی رذیل و رسوای ایدر . و اوک سکونیه  
 عورات : عورتک جمعی در . عورت : انسانک ستر اوله جق یرینه  
 اطلاق اولدینی کبی کشفندن حیا اولنور معایب معناسنده کلورکه  
 بو حدیث نبویده اومعنایهدر . « تتبع الله عورته » قول شریفی مشاکله  
 نوعندندر ، فصل و مذمتندن طولای الله اکا مجازات ایدر دیمکدر .  
 نبی عالی مقام علیه الصلاة والسلام افدمن صور مشلرکه غیت ندر ؟  
 جواباً بیورلش که غیت : قرنداشکی آنک کریه کوردیکی شیله  
 ذکر ایتمکککدر ، اگر ذکر ایتدیکک شی آنده وارسه آنی غیت  
 ایتمش اولدک . و اگر سویلدیکک شی آنده یوق ایسه آکا بهتان ایتمش  
 اولدک . ابن عباس رضی الله عنهما حضرتلرندن مرویدرکه « الغیة ادام  
 کلاب الناس » دیمش . غیت کلاب ناسک قاتینی در .

صحیح البخاری نک باب حجة الوداعنده روایت ایدلیدی اوزره  
 سرور کائنات علیه افضل التحیات افدمن شویله بیورمشدر : « .. فان

مدينه ده صوبي كور برقويونك اسمي در . بونك اوزرينه اوياكي كشي رسول اكرمك كنديلري ايجون امر ايتديكي طعام اسامه نژدنده موجود اولوب اولديغني اكلامق ايجون حضور نبوي به كنديلر . داخل بزم سعادت اولدقلرنده بن سرك اغزيكزده ات قارارتيسي كوريورم بيورلدي . آنلر بزم بوكون يارسلو الله ! ات يمدك ديمريله نبی ذیشان افندمر : سز اسامه ايله سلمايك اتی يديكز . يعني آنلری غيت ايتديكز بيوردي وبوآيت كريمه نازل اولدی .

برکت زايده : اسماعيل هقي

## رد اباطيل

- ۲۶ نجی نطق دن مابعد -

بناء عليه بوكون اليمزده كي قرآن كريمك حضرت پيغمبر افندمرلك امته تبليغ بيورمش اولديني قرآنك عيني اولوب آندن بركله فضله ويا نقصان اولديغنه دليل قطعي مز بروج به بالا بونك اول حضرتدن بزمه تواترأ نقل ايدلمش اولميسدر ، يعني وقت رسالتدن زمانمزه قدر هر عصرده كذب اوزرينه اتفاقلريني عقلك تجويز ايدميه چكي جماعت قراو حفاظك متسلسلاً نقل وروايتريله بزم واصل اولمش بولنميسدر . يوقسه وقيته مصاحفده يازلمش اولمسي دكلدر . چونكه يالكز كتابت بر كتابك الى الابد محفوظ قالمسنه كفايت ايتمز ، اما بر كتاب بويله هر زمان بيكلرجه قلوب امتده محفوظ اولور ايسه آنك تحريفنه امكان بولنه ماز . بالفرض تحريف اولنسه ، حافظلري طرفندن در حال تصحيح اوله چني هر كسك معلومي اولديغندن هيچ كيمسه آنك تحريفنه جسارت ايدمزه ، ايسه بيله ، هيچ بر حكمي اوله ماز . چونكه در حال تصحيح اولنور .

بونك ايجوندركه علم قرائتده دخي من القديم قرآنك نقل بالتواتر جهتي فوق العاده التزام اوله رق آكا كوره سلسله نامهل تنظيم ايدلمش وعلم قرائتدن اخذ اجازته موفق اولان حملاه قرآنك سلسله نامهلرنده تا حضرت پيغمبره منتهى اولنجيه قدر راويلرك اسملري يازلديني كبي عدد روايك كذب اوزرينه اتفاقلريني هيچ بر عقلك تجويز ايدميه چكي درجه ده حد تواتره بالغ اولديني كوسترلمشدر .

علم اصول فقهده دخي قرآن كريم ، « طرف الهيدن افندمره منزل و آندن بزمه تواترأ منقول بر نظم شريفدر » ديه تعريف اولمش و بر نظم منزلك قرآنيتسده نقل بالتواتر ك شرط اولديني صراحة ذكر ايدلمش وبوكا بناء حضرت رسولدن ينه قرآن اولق اوزره بزمه نقل وروايت اولنوبده راويلرينك عددي حد تواتره بالغ اوليان برلظمه قرآن نامي ويريوب او كي نظميره قراآت شاده تسميه ايدلمشدر .

شو مقدمات معلوم اولدقده ديرزكه : قرآن كريمك يالكز كتابتيله اكتفا ايدليوب نزولي زمانندن اعتبارأ بوآنه قدر تلاوت وحفظنه ده صوك درجه اعتنا ايديله كلكي وديانك هر طرفده مليونلرجه اهل اسلامك السنه سني وهر عصرده كذب اوزرينه اتفاقلريني عقلك اصلا

بونك اوزرينه جناب فاروق او آدمي توبه ايتك شرطيله بر اقدی . مسئله تجسسك تفصيلي ايتمين كتب فقهه مراجعت ايتسون .

اغتياب وغيك كسريله غيت : بر كيمسه نك غيابه ده موجب شرم و حيا حالي سويله مكدر . اكر او كيمسه ده بوسويله ن شى يوق ايسه اكا « بهتسان » دينور . غييك قجي ايله « غيت » غيوت معناسنه اولديغندن بوني اغتياب معناسنده استعمال ايتك غلطدر .

شوراسي ده بيلنملي دركه غيت نه قدر فطيع وشنيع ايسه اتی استماع ايتك ده اونستنده فطيع وشنيعدر . غيتي استماع ايدمك غيت ايدندن هيچ بر فرقي يوقدر . سرور انام عليه الصلاة والسلام افندمر « المتعاب والمستمع شريكان في الاثم » بيورمشلردر .

بعضلري : بر كيمسه نك معاييني تأسف صورتيه نقل و حكايه ايتك غيت عد اولنار رأينده بولنديلر . بعضيلري : « اذكروا الفاجر بما فيه لكي يحذره الناس » حديث شريفي ايله استدلال ايدرك هتك پرده حيا ايدن فسقه وفجره دن ناسي تحذير ايجون بوقيل كيمسه لرك مساويستي ذكر ايلمك غيت دكلدر ديدلر . مسلك احتياطة سلوك ايدلرده خلقي معايب و مساويستيله ياد ايلمكي لسانلرندن طرح ايتديلر . بورأي وذهابلردن هر برينك وجهي و تطبيق اولنه جق محل مخصوصي واردر . ولكل وجهه هو مولها — والله يعلم المفسد من المصلح .

شاعر شهير واصفك شو بيتي بوراده خاصة شايان ذكردر :

غيرت قومور ديرده ايدر غيته آغاز

افشاي عيوب ايمه مي در غيرت احباب

مرويدر كه سلطان دو عالم صلى الله عليه وسلم افندمر بر غزايه چيقديني ويا بر محله مسافرت بيورديني زمان معيت سنيه لرنده احتياجي اولانلردن بر كيمسه يي وقت وحالي مساعد بولنان ايكي كشينك يانه قاتار ايدى . او كيمسه ده يو ايكي كشينك خدمتده بولنور وقوناق محللرينه اولجه كيدوب آنلرك ييه جك وايجه جكلريني حاضرلارايدى . بعض اسفار نبويه ده سلمان فارسى رضى الله عنه حضرتلري ايكي نفر كيمسه نك يانه ترفيق بيورلديغندن اثناء راهده بر كون سلمان حضرتلري بر قوناق محله اولجه كيمش فقط اويقوسى غلبه ايتديكندن برشى حاضرلايه مامش ايدى . او آدملر كلوبده سلمايك كنديلرينه برشى تدارك ايدمديكني كورنجه نزد نبوي به كيت ، بزمه طعام ايسه ديدلر . سلمان حضور رسالتما به كيدوب عرض كيفيت قلدقده اسامه بن زيد رضى الله عنهم يانه كوندرلدى وطعامدن ارتمشه سكاو پرسون بيورلدى . اسامه رسول اكرمك وكيلخرجي ايدى . سلمان حضرتلري قالقوب اسامه نك يانه كتدى ، اسامه برشى قلدى ديه جواب ويردى سلمان حضرتلري كلدى اوياكي كشي به اولاني خبر ويردى . آنلرده اسامه نژدنده فضله طعام واراكن بخل وامساك ايتدى ديدلر وتكرار سلماني بعض صحابه نك يانه كوندرديلر . آنلرده ده برشى بوله مديغني دونوب كنديلرينه سويله نجه سلماني « سميه » قويسنه كوندرسه ك صوبي چكيلور ديه چكشديرديلر . اسم تصغير صيغه سيله سميه :